

REIKNINGUR

Jöfnunarsjóðs sveitarfélaga fyrir árið 2023.

Rekstrarreikningur árið 2023

Tekjur

Framlag ríkissjóðs	29.673.054
Framlag sveitarfélaga	46.041.922
Önnur framlög	<u>2.471.618</u>
Tekjur alls	<u>78.186.594</u>

Framlög

Bundin framlög	1.819.061
Sérstök framlög	10.423.930
Jöfnunarframlög	16.900.738
Jöfnunarframlög til reksturs grunnskóla	17.600.804
Framlög vegna þjónustu við fatlað fólk	<u>32.521.162</u>
Framlög alls	<u>79.265.696</u>

Rekstrarkostnaður

Laun og launatengd gjöld	9.640
Annar rekstrarkostnaður	<u>187.758</u>
Rekstrarkostnaður samtals	<u>197.397</u>

Framlög og gjöld alls 79.463.093

Rekstrargjöld/tekjur	(1.276.499)
Fjármagnstekjur/gjöld	440.953
Afkoma ársins	(835.546)

Efnahagsreikningur 31. desember 2023

Eignir

Veltufjármunir:

Sveitarfélög, staða	4.188.220
Ríkissjóður, vegna framlaga	1.371.154
Ríkissjóður, eftirstöðvar, innheimt staðgreiðsla	8.355
Áfallnar vaxtatekjur	9.530
Aðrar skammtímakröfur	<u>116.516</u>
Skammtímakröfur samtals	<u>5.693.776</u>

Handbært fé:

Bankareikningar	<u>2.869.802</u>
-----------------------	------------------

Eignir alls

8.565.577

Utan efnahagsreiknings	14.804.282
------------------------------	------------

Skuldir og eigið fé

Eigið fé:

Höfuðstóll	<u>593.997</u>
------------------	----------------

Skammtímaskuldir:

Ríkissjóður, vegna dóms	375.000
-------------------------------	---------

Nr. 1102/2025

Sveitarfélög og aðrar skuldir	6.501.332
Önnur framlög, greiðslustaða	1.093.248
Skammtímaskuldir samtals	<u>7.969.580</u>
Skuldir samtals	<u>7.969.580</u>
Skuldir og eigið fé alls	<u>8.563.577</u>

Sjóðstreymi árið 2023

Rekstrarhreyfingar

Veltufé frá rekstri:

Tekjuafkoma skv. rekstrarreikningi	(835.546)
Veltufé frá rekstri	<u>(835.546)</u>

Breytingar á rekstartengdum eignum og skuldum:

Skammtímakröfur lækkun/(hækkun)	(451.340)
Skammtímaskuldir hækkun/(lækkun)	<u>678.136</u>
	<u>(226.795)</u>

Handbært fé til rekstrar / frá rekstri (608.751)

Fjármögnunarhreyfingar

Breyting á stöðu við ríkissjóð:

Framlag ríkissjóðs	(29.673.054)
Greitt úr ríkissjóði	<u>28.413.528</u>
	<u>(1.259.526)</u>

Hækkun/(lækkun) á handbæru fé (1.868.277)

Handbært fé í ársbyrjun 4.738.078

Handbært fé í árslok 2.869.802

Staðfesting ársreiknings

Jöfnunarsjóður sveitarfélaga starfar á grundvelli III. kafla laga um tekjustofna sveitarfélaga. Hlutverk Jöfnunarsjóðs er að jafna mismunandi útgjaldaþörf og skatttekjur sveitarfélaga með framlögum úr sjóðnum á grundvelli ákvæða laga, reglugerða og vinnureglna sem settar eru um starfsemi sjóðsins. Þá greiðir sjóðurinn framlög til samtaka sveitarfélaga, stofnana þeirra og annarra aðila í samræmi við ákvæði laga.

Ársreikningur Jöfnunarsjóðs sveitarfélaga er gerður á grundvelli laga um opinber fjármál nr. 123/2015. Reikningsskilaaðferðir eru í meginatriðum þær sömu og árið áður.

Á árinu námu tekjur alls 78.187 m.kr. samanborið við 64.526 m.kr. árið á undan. Tekjur sjóðsins hækkuðu því um 13.661 m.kr. á árinu 2023. Mikla hækkun tekna á árinu 2023 má m.a. rekja til samkomulags ríkis og sveitarfélaga í árslok 2022 um breytingu á fjármögnun lögbundinnar þjónustu við fatlað fólk. Tilfærsla fjármuna var framkvæmd með því móti að útsvarsprósenta sveitarfélaga og hlutdeild Jöfnunarsjóðs í útsvarinu hækkaði um 0,22% en tekjuskattsprósenta ríkisins lækkað sem því nam.

Á árinu 2023 var tekjuhalli sjóðsins 835,6 m.kr. samanborið við tekjuafgang að fjárhæð 712,6 m.kr. árið áður. Samkvæmt efnahagsreikningi í árslok námu eignir alls 8.563,6 m.kr., skuldir 7.969,6 m.kr. og eigið fé nam 594,0 m.kr.

Nr. 1102/2025

Innviðaráðherra og formaður ráðgjafarnefndar Jöfnunarsjóðs sveitarfélaga staðfesta ársreikning Jöfnunarsjóðs sveitarfélaga fyrir árið 2023 með undirritun sinni.

Reykjavík, 2. október 2024.

Svandís Svavarsdóttir
innviðaráðherra.

Guðmundur Baldvin Guðmundsson,
formaður ráðgjafarnefndar
Jöfnunarsjóðs sveitarfélaga.

Áritun ríkisendurskoðanda

Til innviðaráðherra

Álit.

Ársreikningur Jöfnunarsjóðs sveitarfélaga fyrir árið 2023 er endurskoðaður samkvæmt lögum nr. 46/2016, um ríkisendurskoðanda og endurskoðun ríkisreikninga. Ársreikningurinn hefur að geyma staðfestingu ráðherra, rekstrarreikning, efnahagsreikning, sjóðstreymisýfirlit, upplýsingar um mikilvægar reikningsskilaaðferðir og aðrar skýringar.

Það er álit Ríkisendurskoðunar að ársreikningurinn sýni glögga mynd af fjárhagsstöðu Jöfnunarsjóðs sveitarfélaga 31. desember 2023, afkomu sjóðsins og breytingu á handbæru fé á árinu 2023, í samræmi við lög um opinber fjármál nr. 123/2015.

Grundvöllur fyrir álit.

Endurskoðað var í samræmi við alþjóðlega endurskoðunarstaðla fyrir opinbera aðila (ISSAI). Ábyrgð samkvæmt þeim stöðlum er nánar lýst í kaflanum um ábyrgð ríkisendurskoðanda hér á eftir. Ríkisendurskoðandi er óháður Jöfnunarsjóði sveitarfélaga og starfar í samræmi við lög nr. 46/2016, um ríkisendurskoðanda og endurskoðun ríkisreikninga, og siðareglur alþjóðasamtaka ríkisendurskoðana (INTOSAI). Skrifstofa ríkisendurskoðanda nefnist Ríkisendurskoðun og fer hann með stjórn hennar. Ríkisendurskoðandi telur að við endurskoðunina hafi verið aflað nægjanlegra og viðeigandi gagna til að byggja álit Ríkisendurskoðunar á ársreikningnum.

Ábyrgð stjórnenda á ársreikningnum.

Stjórnendur eru ábyrgir fyrir gerð og framsetningu ársreikningsins í samræmi við lög nr. 123/2015 um opinber fjármál, settar reglur og fyrirmæli. Stjórnendur eru einnig ábyrgir fyrir því innra eftirliti sem nauðsynlegt er að sé til staðar við gerð og framsetningu ársreikningsins, þannig að hann sé án verulegra annmarka, hvort sem er vegna sviksemi eða mistaka.

Við gerð ársreiknings eru stjórnendur ábyrgir fyrir því að meta rekstrarhæfi Jöfnunarsjóðs sveitarfélaga og setja inn skýringu ef þess er þörf. Ef við á skulu stjórnendur setja fram viðeigandi skýringar um rekstrarhæfi og hvers vegna þau ákváðu að beita forsendu um rekstrarhæfi við gerð og framsetningu ársreiknings, nema stjórnendur hafi ákveðið að leysa sjóðinn upp eða hætta starfsemi, eða hafa enga aðra raunhæfa möguleika en að leysa sjóðinn upp.

Ábyrgð ríkisendurskoðanda á endurskoðun ársreikningsins.

Markmið ríkisendurskoðanda er að afla sé nægjanlegrar vissu um að ársreikningurinn sé án verulegra annmarka, hvort sem er af völdum sviksemi eða mistaka og að gefa út áritun sem felur í sér álit Ríkisendurskoðunar á ársreikningnum. Nægjanleg vissu er mikið öryggi, en ekki trygging þess að endurskoðun sem framkvæmd er í samræmi við alþjóðlega endurskoðunarstaðla muni uppgötva allar verulegar skekkjur séu þær til staðar. Skekkjur geta orðið vegna mistaka eða sviksemi og eru álitnar verulegar ef þær gætu haft áhrif á fjárhagslega ákvarðanatöku notenda ársreikningsins, einar og sér eða samanlagðar.

Endurskoðun var í samræmi við alþjóðlega endurskoðunarstaðla fyrir opinbera aðila og hún byggir á faglegri dómgreind og gagnrýni. Einnig framkvæmir Ríkisendurskoðun eftirfarandi:

- Greinir og metur hættu á verulegri skekkju í ársreikningnum, hvort sem er vegna mistaka eða sviksemi, endurskoðunaraðgerðir skipulagðar og framkvæmdar til að bregðast við þeirri hættu og aflað endurskoðunargagna sem eru nægjanleg og viðeigandi til að undirbyggja álit á reikningnum. Hættan á að uppgötva ekki verulega skekkju vegna sviksemi er meiri en að uppgötva ekki skekkju vegna mistaka, þar sem sviksemi getur falið í sér samsæri, fölsun, villandi framsetningu ársreiknings, að einhverju sé viljandi sleppt eða að farið sé framhjá reglum innra eftirlits.
- Aflar skilnings á innra eftirliti í þeim tilgangi að skipuleggja viðeigandi endurskoðunaraðgerðir og meta hvort það tryggir viðunandi árangur.
- Metur hvort reikningsskilaaðferðir og reikningshaldslegt mat stjórnenda ásamt tengdum skýringum séu viðeigandi í samræmi við reikningsskilareglur.
- Ályktar um notkun stjórnenda á forsendunni um rekstrarhæfi og á grundvelli endurskoðunarinnar leggur mat á hvort verulegur vafi leiki á rekstrarhæfi eða hvort aðstæður séu til staðar sem gætu valdið verulegum efasemdum um rekstrarhæfi. Ef endurskoðunin leiðir í ljós að talið sé að verulegur vafi leiki á rekstrarhæfi ber að vekja sérstaka athygli á viðeigandi skýringum ársreiknings í áritun Ríkisendurskoðunar. Ef slíkar skýringar eru ófullnægjandi þarf að víkja frá fyrirvaralausri áritun. Niðurstaða Ríkisendurskoðunar byggir á endurskoðunargögnum sem aflað er fram að dagsetningu áritunar. Engu að síður geta aðstæður í framtíðinni valdið óvissu um rekstrarhæfi sjóðsins.
- Metur í heild sinni hvort ársreikningurinn gefi glögga mynd af undirliggjandi viðskiptum og atburðum, metur framsetningu, uppbyggingu og innihald, þar með talið skýringar með tilliti til glöggrar myndar.

Ríkisendurskoðun ber að upplýsa stjórnendur sjóðsins um áætlað umfang og tímasetningu endurskoðunarinnar og mikilvæg atriði sem fram komu við endurskoðunina, þar á meðal verulega annmarka á innra eftirliti.

Ríkisendurskoðun, 2. október 2024.

Guðmundur Björgvin Helgason endurskoðandi.